

Na osnovu člana 14. Zakona o reviziji (Sl. Novine F BiH 32 / 05), Zakona o računovodstvu, Kodeksu računovodstvenih načela i Međunarodnim računovodstvenim standardima (Sl. Novine F BiH 2 / 95, 50 / 98, 52 / 99, 41 / 02 i 32 / 05) sačinili smo

IZVJEŠTAJ OVLAŠTENOG REVIZORA

1. U toku marta 2009. godine izvršili smo reviziju finansijskih izvještaja za 2008. godinu, na osnovu Ugovora kojeg smo sklopili sa direktorom J. P. «Vodovod» d. o. o. Bihać, gosp. Mirsadom Demirović.
2. Odgovornost za finansijske izvještaje snosi menadžment preduzeća, a naša odgovornost se svodi na davanje mišljenja o tim finansijskim izvještajima, na temelju provedene revizije.
3. Mi smo izvršili reviziju u skladu sa međunarodnim revizijskim standardima. Ovi standardi nalažu da planiramo i izvršimo reviziju da bismo dobili razumnu pouzdanost o tome da u finansijskom izvještaju nema značajno pogrešnog iznošenja činjenica. Revizija također podrazumjeva ocjenjivanje korištenih računovodstvenih načela kao i značajnih procjena koje je izvršio menadžment kao i vrednovanje sveukupne prezentacije finansijskih izvještaja. Mi vjerujemo da naša revizija osigurava razumnu osnovu za dato mišljenje.
4. Prema našem mišljenju, priloženi finansijski izvještaji u svim značajnim elementima daju istinit i fer pregled o finansijskom položaju preduzeća sa stanjem na dan 31. 12. 2008. godine, rezultatima poslovanja kao i novčanim tokovima i promjenama na kapitalu za 2008. godinu i u skladu sa Međunarodnim standardima finansijskog izvještavanja.
5. Preduzeće je u godišnjem obračunu za 2008. godinu u odgovarajućim finansijskim izvještajima izvršilo ispravku materijalno značajnih grešaka iz prethodnog perioda. To se odnosi na sumnjiva i sporna potraživanja od kupaca u iznosu od 3.363.127,70 KM, koja potječu iz perioda od 1999. do 2007. godine. Greške su isključene na taj način, što su odobrena sporna i sumnjiva potraživanja, a zadužen akumulirani gubitak. Na taj način je udovoljeno MRS – 8 koji naglašava da finansijski izvještaji nisu u skladu sa MSFI, ako sadrže materijalno značajne greške.

Bihać, marta 2009. godine



D. O. O. « Revizijska kuća »
Bihać
Ovlašteni revizor

(mr Omer Đug, dipl. oec.)